

Hæ circumstantiæ debent tractari illo ordine, quo occurrunt. E. g. Deuteronomii 34. describitur mors Mosis, ab antecedente, reipsâ, & consequente. *Antecedens* est 1. Ascensus Mosis in montem Nebuntis: qui locus describitur *vers. 1.* 2. Aspectus, quo lustravit totam terram: qui aspectus describitur à causâ efficiente, Deo: parte 2. versus 1. & ab adjunctâ amplitudine terræ, *v. 2. 3.* & denique à Jehovæ de illâ terrâ sententiâ, *vers. 4.* ubi duo continentur, descriptio terræ à promissione factâ patribus, parte primâ illius versus; & prædictio Mosis factâ, parte secundâ versus ejusdem. *Mors* ipsa describitur *vers. 5.* à loco, & causâ efficiente, decreto Dei. *Consequens est:* 1. *Sepultura*, quæ describitur à causâ efficiente, ipso Deo; & circumstantiâ loci, *v. 6.* & accidente, quòd sepulchrum sit ignotum. *ibid.* Hic additur tempus, quo mortuus sit Moses, *v. 7.* & adjuncta morientis recensentur, *ibid.* 2. *Luctus populi.* *v. 8.* 3. *Successio Josua*, qui describitur ab accidentibus, videl. 1. à spiritu sapientiæ. *v. 9.* cujus accidentis causa instrumentalis subjicitur *ibid.* videl. impositio manuum Mosis. 2. ab authoritate, quâ valuit apud populum. *part. 2. versus 9.* 4. *Consequens proponitur ἡγῆ σύγκρισιν dissentaneorum v. 10. 11. 12.* videl. neminem ex eo tempore Israëlitis à Deo datum, qui aut donis, aut administratione & operatione tantum perfecit à Deo, quàm Moses. Dona continentur *vers. 10.* Nemo propheta extitit, quicum Deus egerit tam familiariter, quod *παρομιωδῶς* Hebræi dicunt, *ore ad os.* Administratione & operatione valuisse, demonstrant duo versus ultimi: tum quòd ex vocatione Dei res amplissimas in Ægypto gesserit, *vers. 11.* tum, quòd in expeditione reliquâ exeuntibus Israëlitis, & in terram promissam contendentibus res potentissimas, & bonis reverendas, impiis horrendas præstiterit, *v. 12.*

Analysis didascalica est, quâ thema universale recognoscimus.

Estq; vel separata, vel combinata.

Analysis separata est, quâ unum duntaxat thema tractatum resolvitur.

Estq; thematis simplicis, vel compositi.

Thematis simplicis analysis separata est, quâ recognoscimus.

Resolutio
thematis
simplicis.

cognoscimus.